



Madeirafahrt

Gedicht:

Met Koffere bepack - d`r Schweiß ob d`r Steen
kohm morgens ich ahn - en Hamburg öm zehn.
Met ömgetusch Geld eren en de Kajütt
un dann widder eraus, ens sin wat et all gitt.
Ja wat ich erläv - wat all ich gesin,
dat richtige zo schildere - geht gar nitt he hin
Ich solch all die Minsche, die am Ufer stunnte,
wie neidlos se winkte, die nit mitfahre kunnte.
Vielleicht hät sich mancher gedach un gesaht,
wat hück nitt soll sin, weht später genaht.
Un jetzt geht et loß, met Volldampf juchhe!
Der Sonne entgegen auf wogender See.
Die Musik setz en, die Männer, die Weechter,
die han ald en drei Dag ganz andere Geseechter.
Die blaß vum Schruvstock un d`r Hubbbelbank kohme,
ob einmal en ganz andere Färv annohme.
Wie sorglos se all ob de Liegestöhl loche
un sich üvver gar nix d`r Kopp zerbroche.
Wie Morgens beim Fröhstöck wohl schwadroneet,
wie nett se sich ovends vorher amüseeet.
Och han ich gesin, wenn de See dann un wann
ging huh - wie von selves geschunkelt se han.
Un dat ganz besonders em Golf von Biskaha,
do ging et ob einmal - wie beia popeia
met uns hät de Mutter als Kind off genaht.
et woht mänchem anders - ungeruns gesaht.



Ich selver, weil ich dat jo och nit gekannt,
ich hab`mich ergeben mit Herz und mit Hand.
So geht et jetzt wigger ob Lissabon ahn
un dann noh Madeira - et flattert de Fahn
om Scheff huh am Maß - öm fähn un noh
de Fremde ze zeige - mer sin immer noch do.
Un wenn no dat veezehndägige Glöck
eß widder vorbei - un mer kumme zoröck,
dann hät mer noch einmal so vill Loß am Geschäft,
dat danke mir all dann der K.d.F